



Na osnovu člana 22 Statuta Brčko distrikta BiH – prečišćeni tekst („Službeni glasnik Brčko distrikta BiH“, broj 2/10), Skupština Brčko distrikta BiH, na 46. redovnoj sjednici održanoj 21. juna 2023. godine, usvaja

**ZAKON**  
**O IZMJENAMA I DOPUNAMA ZAKONA O ZAPOŠLJAVANJU I PRAVIMA ZA**  
**VRIJEME NEZAPOSLENOSTI**

**Član 1**

U Zakonu o zapošljavanju i pravima za vrijeme nezaposlenosti (“Službeni glasnik Brčko distrikta Bosne i Hercegovine”, broj 1/23), u članu 2 stavu 2 tačka d, mijenja se i glasi:

”d) nosilac poljoprivrednog gazdinstva koji ostvaruje podsticaj u poljoprivrednoj proizvodnji veći od deset hiljada konvertibilnih maraka:”.

**Član 2**

Član 38 Zakona mijenja se i glasi:

„Član 38

(Strategija i program zapošljavanja u Distriktu)

(1) Strategiju zapošljavanja u Distriktu (u daljnjem tekstu: Strategija) izrađuje Zavod i putem ovlaštenog predlagača dostavlja Vladi radi usvajanja.

(2) Programom zapošljavanja u Distriktu (u daljnjem tekstu: Program) se uređuju prioriteti, mjere i sredstva za realizaciju programa, a naročito za podsticanje novog zapošljavanja, zapošljavanja određenih kategorija nezaposlenih lica koja traže zaposlenje, profesionalna rehabilitacija, osposobljavanje i zapošljavanje lica s invaliditetom i lica sa smanjenom radnom sposobnošću, samozapošljavanje nezaposlenih lica koja traže zaposlenje, zapošljavanje viška zaposlenih i druge mjere za unapređivanje zaposlenosti.

(3) Program, koji se finansira iz budžeta Distrikta, donosi Vlada na prijedlog ovlaštenog predlagača.”

**Član 3**

U članu 54 stav 4 mijenja se i glasi:

“(4) Nezaposleno lice koje ne podnese zahtjev do isteka vremena za koje mu pripada pravo na novčanu naknadu, nema pravo na istu.,,

**Član 4**

U članu 72 stavu 1 tačka (d), mijenja se i glasi:

„d) koje registruje poljoprivredno gazdinstvo, a koje ostvaruje podsticaj u poljoprivrednoj proizvodnji veći od deset hiljada konvertibilnih maraka.“

U članu 72 stav 2 mijenja se i glasi:

„(2) Lice o kojem je Zavod prestao voditi evidenciju iz razloga navedenog u stavu 1 tačkama a), j) i r) ovog člana ne može se tri mjeseca nakon prestanka vođenja na evidenciji nezaposlenih lica ponovo prijaviti Zavodu.“

#### **Član 5**

U članu 78 stavu 1 Zakona riječi: „člana 30 stav 2 Zakona.“ mijenjaju se riječima: „člana 40 stav 2 Zakona.“.

#### **Član 6**

U članu 79 Zakona, stav 3 mijenja se i glasi:

“(3) Vlada usvaja Strategiju iz člana 38 stava 1 ovog zakona u roku od jedne godine od dana stupanja na snagu Zakona.“

U članu 79 stav 4 se briše.

#### **Član 7**

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-3140/23

Brčko, 21. 6. 2023. godine

**PREDSJEDNIK  
SKUPŠTINE BRČKO DISTRIKTA BiH  
Mr. sci. Siniša Milić**